



# বাংলাদেশ রাবার বোর্ড

# বাংলাদেশ রাবার বোর্ড

www.rb.gov.bd

## ৮.১ পরিচিতিঃ

২০১৩ সনের ১৯ নম্বর আইন দ্বারা ৫ মে ২০১৩ তারিখে বাংলাদেশ রাবার বোর্ড গঠন করা হয়। বোর্ডের স্থায়ী কার্যালয় চট্টগ্রাম জেলার চান্দগাঁও আবাসিক এলাকায় এবং ঢাকার মতিঝিলের বনশিল্প ভবনে অস্থায়ী কার্যালয়ের মাধ্যমে কার্যক্রম পরিচালনা করা হয়।

## ৮.২ লক্ষ্য ও উদ্দেশ্যঃ

রাবার চাষ ও রাবার শিল্পের সার্বিক বিকাশ ও উন্নয়ন।

## ৮.৩ পরিচালনা পর্ষদঃ

সরকার কর্তৃক নির্ধারিত শর্তাবলী সাপেক্ষে নিয়োজিত অনূন অতিরিক্ত সচিব পদমর্যাদার একজন কর্মকর্তা/মনোনীত ব্যক্তি বোর্ডের চেয়ারম্যান ও সকল বিভাগের অতিরিক্ত বিভাগীয় কমিশনার (রাজস্ব) এবং বিভিন্ন মন্ত্রণালয়ের প্রতিনিধির সমন্বয়ে রাবার বোর্ড এর ২০(বিশ) সদস্য বিশিষ্ট একটি পরিচালনা পর্ষদ রয়েছে।

## ৮.৪ কার্যাবলিঃ

- রাবার চাষ ও রাবার শিল্প সংক্রান্ত নীতিমালা ও পরিকল্পনা প্রণয়ন এবং উহা বাস্তবায়নে সরকারকে সুপারিশ, পরামর্শ ও সহায়তা প্রদান;
- সংশ্লিষ্ট সকল মন্ত্রণালয় বা বিভাগের সহযোগিতায় রাবার চাষ উপযোগী জমি চিহ্নিতকরণ;
- রাবার চাষে আগ্রহী উপযুক্ত ব্যক্তি বা প্রতিষ্ঠান বাছাই এবং উক্ত ব্যক্তি বা প্রতিষ্ঠানের অনুকূলে জমি ইজারা বা বরাদ্দ প্রদানের নিমিত্ত সরকারের নিকট সুপারিশ প্রেরণ;
- ইজারা বা বরাদ্দ চুক্তির শর্ত ভঙ্গকারীর বিরুদ্ধে প্রয়োজনীয় আইনানুগ ব্যবস্থা গ্রহণে সরকারকে প্রয়োজনীয় সুপারিশ প্রেরণ;
- রাবার বাগান সৃজনে মালিক বা ক্ষেত্রমত বরাদ্দ গ্রহীতাগণকে উদ্বুদ্ধকরণ;
- রাবার বাগান সৃজন এবং রাবার শিল্প স্থাপন ও বিকাশে মালিক বা ক্ষেত্রমত বরাদ্দ গ্রহীতাগণকে ঋণ ও বীমা সুবিধা প্রাপ্তিতে প্রয়োজনীয় সহায়তা প্রদান।
- রাবার বাগানের মালিক বা ক্ষেত্রমত বরাদ্দ গ্রহীতাগণকে বৈজ্ঞানিক, কারিগরি ও আর্থিক সহায়তা প্রদান;
- রাবার বাগানের মালিক, শ্রমিক ও কর্মচারীদের প্রশিক্ষণের ব্যবস্থা গ্রহণ;
- ক্ষতিকারক কৃত্রিম রাবার সামগ্রীর উৎপাদন, আমদানী, বিপণন ও ব্যবহার নিরুৎসাহিত করার জন্য সরকারকে পরামর্শ প্রদান;
- রাবার বাগানের জমির অনুপযুক্ত অংশে (৩৫ ডিগ্রী ঢালের উপরে অথবা জলাবদ্ধ অংশে) ফলজ, বনজ বা ঔষধি বৃক্ষসহ অন্যান্য সহায়ক অর্থকরী ফসল উৎপাদনে প্রযুক্তিগত ও অর্থনৈতিক সহায়তা প্রদান;
- উৎপাদিত রাবার বিপণন ও রপ্তানীর জন্য প্রয়োজনীয় সহায়তা প্রদান;
- রাবার চাষ ও রাবার শিল্প সংক্রান্ত যে কোন বিষয়ে ডাটাবেজ তৈরি ও হালনাগাদকরণ;
- রাবার চাষ ও রাবার শিল্পের সার্বিক অগ্রগতি পর্যবেক্ষণ ও পরিবীক্ষণ;
- রাবার বাগান ও রাবার শিল্পের সাথে সংশ্লিষ্ট শ্রমিক ও কর্মচারীদের ব্যবস্থাপনা;
- রাবার চাষ ও শিল্পের উপর গবেষণা কার্যক্রমে সহায়তা প্রদান; এবং

- জীবনচক্র হারানো রাবার কাঠ আহরণ, প্রক্রিয়াজাতকরণ ও বিপণনে সহায়তা প্রদান।

-৮-

#### ৮.৫ ২০১৭-২০১৮ অর্থ বছরে বাংলাদেশে সরকারী ও বেসরকারী পর্যায়ে রাবার চাষঃ

ক্রমিক নং	নাম	এলাকা (একর)
১	সরকারী মালিকানায়	৩৬,৬৫৪
২	ব্যক্তি উদ্যোগে	৩২,৫৫০
৩	পার্বত্য চট্টগ্রাম	১৩,০০০
৪	চা বাগান এবং ক্ষুদ্রচাষী	২০,৮০০
	মোটঃ	১,০৩,০০৪

বিশেষ দৃষ্টব্য : আন্তর্জাতিক বাজারে রাবারের মূল্য কমায় বেসরকারী পর্যায়ে কোন রাবার বাগান সৃজন করা হয়নি।

#### ৮.৬ ২০১৭-২০১৮ অর্থ বছরে বাংলাদেশে প্রাকৃতিক রাবার উৎপাদনঃ

বৎসর	উৎপাদন (মেঃ টন)	বিক্রয় (মেঃ টন)	পরিমাণ (লক্ষ টাকা)
২০১৪-২০১৫	৪,৫১৮.৪৪	৪৮৩৭	৪৮৫১.৬৯২
২০১৫-২০১৬	৪,৯৭৭.৪৯	৬৭৫২	৬৮৮৭.৬২২
২০১৬-২০১৭	৫,৯৬৭.৮৫	৬৯৪০	৭৮৩৭.১৫১
২০১৭-২০১৮	৫,৬৪৯.৩৬	৫৯৯২	৬৭৭৩.৯৫৭

বিশেষ দৃষ্টব্য: জীবনচক্র হারানো গাছের সংখ্যা বেশি হওয়ার কারণে গত ২০১৬-১৭ অর্থ বছরের তুলনায় ২০১৭-১৮ অর্থ বছরে উৎপাদন কম হয়েছে।